

ՔԱՐՈՉԽՈՍԱՌՈՒԹԻՒՆ

Տ. ԱՐԱՐԱՏ ԵՊԻՄԿՈՂՈՍ ԳԱԹԱԳՃՅԱՆԻ ՔԱՐՈՉԸ՝ ԽՈՍՎԱԾ Ս. ԷԶՄԻԱԾՆԻ ՄԱՅՐ ՏԱՃԱՐՈՒՄ ՄԱՏՈՒՅՎԱԾ ԾԱՂԿԱԶԱՐԴԻ Ս. ՊԱՏԱՐԱԳԻՆ (5 ապրիլի 2009 թ.)

«Ուրախացի՛ր խնդութեամբ, դո՛ւսարդ Սիոնի,
կանչի՛ր ցնծութեամբ, դո՛ւսարդ Երուսաղէմի, ահա
գալիս է քո թագաւորը քեզ մօտ, քո արդար, փրկագործ
եւ խոնարհ թագաւորը՝ հեծած էշի, էշի բուռակի վրայ:
(Զաքարիա Թ 9)

Սիրելի՛ հավաքացյալներ, այս խոսքերը վերցված են Զաքարիա մարգարեից, երբ մարգարեն շուրջ երկու հազար հինգ հարյուր տարիներ եւ ավելի առաջ ճշմարիտ մարգարեությամբ ողջ մարդկությանն իրազեկ է դարձնում մեր Տիրոջ՝ Նիսուս Քրիստոսի հաղթական մուտքին Երուսաղէմ: Այսօր քրիստոնյա աշխարհն ամենուրեք մեծ ցնծությամբ տոնախմբում է Քրիստոսի հաղթական մուտքը Երուսաղէմ, մի քաղաք, որտեղ Սողոմոնի կողմից կառուցվել էր Աստուծո տաճարը: Այստեղ է, որ բազում մարգարեներ տարբեր առիթներով եւ ժամանակահատվածներում մարգարեացել էին Աստվածորդու մարդեղացման, աշխարհ գալստյան, Նրա միջոցով մարդու փրկվելու եւ կործանումից դեպի հավիտենական կյանք առաջնորդվելու մասին:

Այսօր Քրիստոս մեծ թափորով մուտք է գործում Երուսաղէմ եւ հաստատում այն բոլոր մարգարեությունները, որոնք հնչել են անցյալում մարդկության Փրկչի գալստի եւ այդ գալստյան նպատակների մասին:

Երբ կարդում ենք Աստվածաշնչյան այն հատվածը, որտեղ չորս ավետարանիչները նկարագրում են Քրիստոսի հաղթական մուտքը Երուսաղէմ, նկատում ենք, որ այն ամփոփված է մի կարճ պատումի մեջ եւ պարզագույն նկարագրականով ծանուցվում է այդչափ կարեւոր եւ եզակի մի իրադարձության մասին, որը կոչում ենք Քրիստոսի հաղթական մուտքը Երուսաղէմ: Մաթթեոս ավետարանիչը հետեւյալ կերպ է ներկայացնում այս պատմությունը. Քրիստոս իր եռամյա առաքելության ընթացքում, վերջին հանգրվաններից մեկում՝ Երիբով քաղաքում, Աստուծո խոսքը տարածելիս ճանապարհին հանդիպում է երկու կույրերի, որոնք խնդրում են Նրան հրաշագործելով վերադարձնել իրենց տեսողությունը: Խնդրանքն ի կատար է ածվում ըստ իրենց հավատքի, եւ Նիսուս շարունակում է իր ճանապարհը: Մտքենալով Երուսաղէմին՝ հրամայում է իր աշակերտներին, որ նրանք գնան հանդիպակաց գյուղ, որտեղ կապված կգտնեն մի ավանակ իր բուռակի հետ եւ բերեն իրեն: Նրանք կատարում են պարզապես եւ Նիսուս, նստելով ավանակի վրա, մտքենում է Երուսաղէմին՝ ժողովրդի հոծ բազմությամբ շրջապատված: Ժողովուրդը բարձրաձայն աղաղակում էր եւ վկայում



Քրիստոսի՝ Դավթի եւ Ասործու Որդի լինելու հանգամանքը, որպէս սովորությունն էր դիմավորել հաղթանակած մի թագավորի, որը վերադառնում է իր քաղաքը:

Սիրելի՛ հավաքացյալներ, ինչպէս նկատեցինք՝ փոքր, պարզ մի պատմություն, սակայն լի մարգարեությունների լրումով եւ ճշմարտության բացահայտմամբ: Այսօր այս պատմության փոնակադրությունն է, որ նշում ենք: Ինչպէս ասում են, պատմությունը կրկնվում է այսօր այսպէղ՝ այս սրբազան փաճարի կամարների ներքո: Շուրջ երկու հազար փարիներ առաջ փարեցներ, երիտասարդներ, պատանիներ ու մանուկներ ուղեկցում էին Քրիստոսին եւ հարկապէս երեխաներ, որոնք իրենց անմեղությամբ աղաղակում էին եւ ուրախանում ի րես իրենց մարդեղացած Արարչի, Ով այդ պահին րեսանելի էր դարձել:

Ծաղկազարդ է, հաղթանակի, ուրախության եւ փոնախմբության օր է այսօր: Ուրախանում ենք բոլորս՝ անկախ փարիքից, սեռից: Այո՛, եւ ինչո՞ւ չպէտք է ուրախանանք. ուրախանանք, որովհետեւ այսօր, երբ պահեցողությամբ եւ աղոթքով իր ավարտին հասցրեցինք պահոց մեծ շրջանը, դիմեցինք բոլոր միջոցներին ազնվացնելու եւ լուսավորելու մեր հոգիները, պատրաստվեցինք այսօրվան՝ լինելու վկան ու ականատեսը մեր Փրկչի՝ Նիսուս Քրիստոսի հաղթական մուրքին Երուսաղեմ: Նրանք, ովքեր որպէս քրիստոնյաներ ճանապարհորդեցին Մեծի պահոց քառասնօրյա շրջանը, իրենց առջեւ նպատակ եւ իղձ էին դրել մասնակցելու հոգեւոր այն ճանապարհորդությանը, որ նման է Քրիստոսի հաղթական մուրքին Երուսաղեմ: Եւ քառասուն օրեր շարունակ մեր անձնական խոկումներով փորձեցինք մեր մեղքերի զգեստները հանել եւ դնել Նիսուսի՝ մեր Տիրոջ ուրբերի առջեւ՝ ի քավություն եւ ի թողություն մեղաց: Այսօր ծաղկազարդ է, «Ծառզարդար» ժողովրդական լեզվով, եւ իրավ է ժողովուրդը՝ ծառերը զարդարված են, գարուն է, եւ բնությունը վերստին զարթոնք է ապրում ձմեռային սառնամանիքից: Բնությունը զարթոնք է ապրում, եւ այդ զարթոնքին զուգահեռ ամեն մի հավաքացյալ ու ճշմարիտ քրիստոնյա, իր հոգեւոր զարթոնքի, հոգեւոր վերակենդանացման, հոգեւոր բնության ծաղկազարդումի հույսն իր սրտում, գնում է ընդառաջ այն հեզ ու խոնարհ անձին, որին Երուսաղեմում ամբոխն ընդունում էր որպէս նոր թագավորի եւ ամենաւիրկչի, Ով իր եռամյա վարդապետությամբ, հայրական խնամքով լի, որպէս դէպի Աստված առաջնորդող ճշմարիտ եւ անկաշառ նավապետ իր նավն է հրավիրում բոլոր նրանց, ովքեր երկար ժամանակ սրտի փրփոյնով ու անհամբեր սպասում էին այդ նավը բարձրանալուն, եւ հանգրվանելու նավահանգիստը այն խաղաղության, որտեղից առաջին մարդը հեռացավ Ասործո հանդեպ ցուցաբերած իր անհավաքարմության եւ անհնազանդության պարճառով: Նշված հրավերին ընդառաջ գնալու ցանկությունն է, որ այսօր Քրիստոսի բոլոր եկեղեցիներում Ծաղկազարդի այս օրը մենք մեր ձեռքին բռնած նորաբողբոջ ճյուղեր, բարձրաձայն աղաղակում ենք եւ ասում. «Օրհնյալ է Նա, որ գալիս է Տիրոջ անունով» (Մատթ. ԻԱ 9):

Սիրելի՛ հավաքացյալներ, Ծաղկազարդի փոնն է այսօր՝ Քրիստոսի հաղթական մուրքը Երուսաղեմ: Նիշում ու նշում ենք այս մեկը, սակայն այսքանը բավարար չէ, որպէսզի մեր հոգիները ծաղկազարդվեն՝ լուսավորվեն: Ծաղկազարդի նախօրեին մեր հոգիները պէտք է արդեն պատրաստ հող լինեն այն սերմերի համար, որոնք բարի սերմնացանը ցանելու է եկել այսօր այսպէղ, այլապէս մենք կնմանվենք Երուսաղեմում հավաքված ամբոխին, ովքեր այդ օրը մեծ պարվով դիմավորեցին Քրիստոսին, սակայն օրեր հետո նույն վայրում մեծապէս

անարգեցին ու մահվան դատապարտեցին: Նրանք այդ օրը Երուսաղեմի մուտքին իրենց զգեստները հանեցին, փարածեցին Ճանապարհին, սակայն մի քանի օրեր հետո Նրան մերկացրեցին եւ փանջանքի ենթարկեցին, ովքեր այդ օրն օրհնեցին Նրան ասելով. «Օրհնյալ է ես, որ գալիս է Տիրոջ անունով» (Մատթ. ԻԱ 9), իսկ մի քանի օր հետո Պոնտացի Պիղատոսի առաջ բացականչեցին՝ ասելով. «Խաչ բարձրացրեք դրան», ովքեր թագավոր էին անվանում Նրան ասելով. «Ովսաննա, օրհնյալ լինես դու, ո՛վ թագավոր Իսրայելի» (Յովհ. ԺԲ 13), իսկ օրեր անց նույն ամբոխը բացականչում էր՝ ասելով՝ «Չունենք մենք այլ թագաւոր, բացի կայսրից» (Յովհ. ԺԹ 15):

Սիրելի՛ հավաքացյալներ, այսօր Ծաղկազարդի այս օրը՝ պահը եւ առիթը վերստին հրամցվում է մեզ, հրավեր է կարդացվում մեզ բոլորիս՝ գնալու ընդառաջ արդար, հեզ ու խոնարհ Փրկչին, Ով Երուսաղեմում դարձավ Պապարագի գոհը մեր բոլորի մեղքերի քավության եւ թողության համար:

Սիրելիներ, թող ծաղկազարդվեն մեր հոգիները, նոր կյանքով զարթոնք ապրեն, առավել ազնվական գալիք օրերի արարողությունների քուրայի մեջ եւ արդարացած ու մաքրված վկա լինեն մեր Տիրոջ եւ Փրկչի՝ Նիսուս Բրիսարոսի հաղթական մուտքին Վերին Երուսաղեմում:

Շնորհք, սէր եւ խաղաղութիւն Տեառն մերոյ եւ Փրկչին Յիսուսի Բրիսարոսին եղիցին ընդ ձեզ եւ ընդ ամենեսեանդ. Ամէն